

خزنده محاکمه

جمعه ایرتسی

نومرو	ربیع الاخر	سنه	ایلول	سنه	صحیفه
۷۹۰	۶	۱۳۱۲	۲۴	۱۳۱۰	۱۱۷۵۷

(اشبوغزته بهر هفته جمعه ایرتسی کونلری چیقار . سنه لکی درسعادت ایچون مجیدیه یکرمی غروش)
 (حسابیله التمش غروشدر . طشره لر ایچون اون بش غروش پوسته اجرقتی ضم اولنور . بهر)
 (نسخه سی ینه مجیدیه یکرمی غروش اولوق اوزره یوز پاره یه هر یرده صاتیلور . درج اولنه جق)
 (اعلا ناک هر برندن برمجیدیه اخذ اولنور . سنه لکنه مشتری اولوق استیانلر عدلیه نظارتی)
 (داتره سنده کائن جریده محاکم اداره سنه مراجعت ایلمیلدر)

قسم رسمی

توجیهات

جده بدایت محکمه سی ریاستی جرزه نائی
 سابق ابراهیم افندی به

دیوانیه بدایت محکمه سی جزا داتره سی ریاستی
 کر بلا بدایت محکمه سی جزا داتره سی ریاستی
 مصطفی کامل افندی به

کر بلا بدایت محکمه سی جزا داتره سی ریاستی
 دیوانیه بدایت محکمه سی جزا داتره سی ریاستی
 امین افندی به

قرق کلیسا بدایت محکمه سی ریاستی سیواس
 ولایتی بدایت محکمه سی جزا داتره سی ریاستی
 احمد شوقی افندی به

سیواس ولایتی بدایت محکمه سی جزا داتره سی ریاستی
 ریاستی سلیمانیه سنجانی بدایت محکمه سی جزا
 داتره سی ریاستی ابو بکر افندی به

سليمانيه سنجاني بدايت محكمه سي جزا
دائرة سي رياستي كر بلا مدعي عمومي معاوني
سابق سعيد افندي به

كوملجنه سنجاني بدايت محكمه سي جزا
دائرة سي رياستي منتشا سنجاني بدايت محكمه سي
جزا دائرة سي رئيسي سابق حسن رشدي
افندي به

قواله تجارت محكمه سي رياستي سومبيكي جزيره سي
بدايت محكمه سي رئيسي سابق محمد بكه

كوتاهيه سنجاني بدايت محكمه سي جزا
دائرة سي رياستي چتالجه مدعي عمومي معاوني
عرفان بكه

چتالجه سنجاني مدعي عمومي معاونديكي
درسمادت اعلامات نظاميه اجرا دائرة سي باش
معاوني رفعتلو حسين افندي به تفويض بيورلمش
ومومي اليهمدن بوراده بولنان ابراهيم وابو بكر
وحسن رشدي وحسين افنديله محمد وعرفان
بكلرك مغاير عدالت حر كاتده بولميه جقلمينه
وذات شوكتنمات حضرت خلافتناهي به ودوات
عليه لرينه صادقانه ايفاي خدمت ايده جكلرينه
دائر تحليفلي اجرا اولوب ديكر لر ينك دخي

(في ۲۰ ربيع الاول سنة ۱۲۷۲ وفي ۸ ايلول)
(سنة ۱۲۱۰ تاريخنده بالجله ولايات استيناف)
(محكمه سي مدعي عمومي لر ينه ومدعي عمومي)
(بولنميان محللر مدعي عمومي معاونلرينه يازيلان)
(نحر يرات عموميه صورتيدر)

مستقرضلر طرفندن زراعت بانقه سسنة رهن
اولنه جق املاك حقنده بمض افاده بي حاوي مذكور
بانقه نك اداره مجلسندن بالتظيم تجارت ونافعه
نظارتندن بانذ كره كوندر يلان مضبطه اوزرينه
شوراي دولت تنظيمات دائرة سسندن قلمه النوب
مجلس مخصوص وكلاده قرائت اولنان مضبطه
مألندن مستبان اولديني وجهله املاك صرفه ايچون
دفتر خاقانيدن ويريله جك سندانه دائر اولان
نظامنامه نك اون برنجي ماده سسنده املاك صرفه
مبايعاتك دفتر خاقاني مأموري صرف اولديني
حالده مجلس ادارهده اجرا اولنه جني واون برنجي

ماده سسنده دخي هبه ويا وصيت طريقه تملك
اولنه جق املاك ايچون اعلام شرعي اولمديجه
معاملات نظاميه اجرا قلميه جني محرر ايسسده
بعض اهالي املاك صرفهده ذكر اولنان شروط
نظاميه به رعايت ايتمه رك معاملات مذكور به
ميانه لر نده بلا سند ويا خود سند عادي تعاطيسيله
اجرا و بعضاً يالكز جت شرعيه به ربط ايتدير مكله
اكتفا ايلديكري جهته بوقميدن اولان معاملات
حقنده بالطبع معلومات النهمديفندن بومثللوا املاك
صرفه نك زراعت بانقه سسنة رهن ايدلمزدن اول
كندوسسنة بيع و رهن ويا خود هبه اولنديني
حقنده بانقه عليهنه اشخاص طرفندن اقامه اولنان
دعوالرده يوميه محاكمجه بانقه عليهنه حاكم صادر
اوله رق بويوزدن خيلي ضرر ومشكلاته دوچار
اولنديفنه مبني زراعت بانقه سسنة ويا افراددن برينه
رهن ويا بيع ايديله رك معامله رسميه سي اجرا
وسند خاقاني سي اعطا اولنان املاك صرفه به دائر
قيد وسند رسمينك خلافيه اوله رق هر نه طرفندن
اولور ايسه اولسون اقامه اولنه جق بيع ويا هبه
ويا رهن ويا خود وصيت ويا جهاز دعوالرينك
بالعموم محكمه لرجه استماع و رؤيت اولنامسي
ايچون بر ماده قانونيه تنظيمي وسالف الذكر
زراعت بانقه سي مجلس اداره سنججه تذكر قلمش

ايسسده املاك صرفه ايچون دفتر خانه دن ويريلان
سندانه دائر اولان نظامنامه نك اون التنجي واون
سكزنجي ماده لر يله مواد سائر سسنده بويابده احكام
مندرج اولوب اشون نظامنامه حكمنك تماماً اجراسي
حالنده بر كونه مشكلاته وسوء استعمالات وقوعنه
محل قالميه جني درميان ايدلمش وبوصورت مناسب
كورينه رك بر موجب مضبطه بويابده ايجاب ايدن
تقيداك ابقامي خصوصنك دفتر خاقاني نظارتنه
اشعارى و املاك صرفه نك زراعت بانقه سسنة
ارتماني ماده سسنده مذكور نظامنامه احكامنه تماميله
توفيق معامله ايدلمشك تجارت ونافعه نظارتنه
تبليغي وصوب سامي مشيختناهي ايله دائرة
عدليه به معلومات ويرلمش بالتذكر موجبنجه
مذكور نظارتنلر ايله طرف عالي مشيختناهي به
تبليغ كيفيت ايدلمش اولديني بيان عاليه سيله دائرة
عدليه به دخي مقتضاسنك ايفاسي مقام سامي
حضرت صدارتپناهيدن شرفوارد اولان تذكرة
ساميهده امر و اشعار بيورلمش وموجبنجه ايجابنك
اجراسي ضمننده اشبو نحر يراتك نسخ مطبوعه سي
لفاً ارسال قلمش اولديني بيانيله .

قسم غیر رسمی

یوز زراعنك دخی نصیب اغالرہ عائدیتہ دائر مقدما
قرتال بدایت محکمہ سندن صادر اولان اعلامك
استیناف وتمیز مدتلی مرور ایتش ایسده
خصملرینك متصرف اولدقلى عرصه لرك
منازع فیہ اولان عرصه لر اولیوب دیگر عرصه لر
ایدوکی بوکره وقوعبولان مراجعتی اوزرینه
دفتر خاقانی نظارت جلیله سندن خبر ویرلش
وقیودات مذکورہ نك وقیله خصملری مرقومون
جانبندن کتم اولنش اعاده محاکمہ بی موجب
بولنش اولدیغندن بخله اعلام معاد بہك فسخیلہ
مذکور عرصه لرہ مرقومونك مداخله لرینك منہی
حقندہ قرتال بدایت محکمہ سنہ اعطا ایلدیکی اعاده
محاکمہ عرضحالنك بالحاکمہ وجاهاً قبولنہ قرار
ویرلدکن صکرہ معاد علیہلرک مجاوبہ دن
امتناعلرہ منہی وکیل مسخر تعینیلہ اجرا قلنان
کشف وتحقیقات نتیجہ سندن مرقومون کر قور
و ازاریک و نصیب اغالرک تصرف ادعاسندن
بولندقلى محللرک منازع فیہ عرصه لر اولیوب
انك حدودی خارجندہ واقع دیگر محللر ایدوکی
محکمہ جہ وقوعبولان استعمال اوزرینہ دفتر خاقانی
نظارت جلیله سندن مبعوث قید صورتی و اعلام
معاد بہك مالی مندرج تصرف سندی مفادندن
اکلاشلدیغندن اصول محاکمہ حقوقیہ قانوننك

محکمہ استیناف حقوق قسمندن ۲۱ مایس
سنہ ۳۰۸ تاریخی وقرق بش عددی ایله صادر
اولان اعلامك تمیزی استدعا ایدن هکبه لی اطہده
حشمت بک زقاغندہ ایکی نومرو لی خانہده ساکنہ
اوتلجی یانقو و زوجہ سی مار یورہ قادین وکیلی
حسن تحسین افندی ایله مدعی علیہم درسمعادتہ
قوم قیو نشانجی جادہ سندن یوز طقوز نومرو لی
خانہده مقیم خفاف اصنافندن نصیب وکاتب قاسم
محلہ سندن طقسان بر نومرو لی خانہده ساکن
قیوجی کر قور و اسکدارده واتیق باغی محلندہ
یکرمی بدی نومرو لی خانہده مقیم قیوجی ازاریک
اغالر وکیلی مانیاس زادہ رفیق بک یوم معیندہ
دائرہ کدکلرندن ایضاحات شفاهیہ لری
استماع قلندی .

اعلام مذکورک خلاصہ مالی مز بورہ
مار یورہ قادینك هکبه لی اطہده بول زقافده
متصرفہ اولدینی معلوم الحدود عرصه لر دن بدی
بیک اکیوز یتش زراع عرصه نك مرقوموندن
کر قورہ و بیک یوز زراعنك ازاریکہ و طقوز

ایدر علل واسبابی غیر محتوی ایدوکی بالیان اصول
محاکمہ حقوقیہ قانوننك یوز طقسان التبعی مادہ سی
موجبجہ اعلام غیابی مذکورک تصدیقہ حکمدن
ومستدعیہ تمیز مار یورہ قادین وکیلی حسن
تحسین افندی نك اشبو حکم علیہندن کی اعتراضاتنك
باشلو جہ سی بدایت محکمہ سنہ جہ اعاده محاکمہ
عرضحالنك قبولنہ دائر ویریلان قرار وجاهی
اولوب اشبو قرارک التمش برکون طرفندہ استیناف
ایدلسی لازم کلورایکن محکمہ استینافیہ جہ برکونہ
مادہ قانونیہ یه موافق اولمیرق اعلام استینافیہ نك
نتیجہ حکمی غیابی اولدیغندن بخله مدت اعتراضك
دخی استیناف مدتہ ضعی اقتضا ایدہ چکی بیانیلہ
بو بادیکی اعتراضك رد ایدلسی و اعلام معاد بہك
مدت استیناف وتمیزی مرور ایدرک اسباب
اعادہ نك مؤخرأ تظاہری جہیلہ بدایت اعاده
محاکمہ یه کسب صلاحیت ایدلش اولدینی حالده
استینافاً بوجہتہ دخی دقت اولمیرق حکم
ابتدائینك قابل استیناف اولمیلہ بدایت اعاده
صورتیلہ تدقیقی جائز اولمیه جفنه قرار ویرلسی
مخالف اصول و قانون اولدیغندن بخله اعلام
استینافینك نقضی استدعاسندن ومدعی علیہم وکیلی
رفیق بکک نتیجہ جوابی دخی مدت مستأنفہ دائر
اولان اعتراض واهی اولدینی کی اعلام استینافیہ

ایکیوز اون دردنجی مادہ سی موجبجہ اعلام
معاد بہك فسخیلہ محل مذکورک معاد علیہندن
بالاسترداد مز بورہ مار یورہ قادینہ تسلیمنہ دائر
محکمہ مذکورہ دن صادر اولان اعلامك
عندالاستیناف بالتدقیق قیود خاقانینك کسنہ
جانبندن کتم اولنہ میهرق هر زمان مراجعت ایدلر
ایچون مفتوح اولسنہ نظراً بدایت قید مذکورک
معاد علیہم جانبندن کتم ایدلش اوراقدن عدیلہ
اعاده محاکمہ عرضحالنك قبول ایدلسی مخالف
قانون اولدینی کی بو خصوصہ قانوننك تعریف
ایتدیکی وجہیلہ اوراق مکتومه اولوبده میدانہ
جیقمش اولسہ بیلہ اعلام معاد بہ حکمی قابل
استیناف اولمیلہ بدایت محکمہ سنہ جہ اعاده رؤیت
دعوی جائز اولیوب استیناف محکمہ سنہ مراجعت
ایدلسی اقتضا ایدہ چکی بیانیلہ فسخنہ و مز بورہ
مار یورہ قادینك ادعاسنك ردینہ دائر غیاباً
ویریلان اعلام استینافی علیہندن مز بورہ
مار یورہ قادین جانبندن اعتراض علی الحکم
استدعاسی اعطا قلنش ایسده اعلام معاد بہك
قابل استیناف اوله رق ویرلش اولمسندن ناشی
بدایت محکمہ سنہ جہ اعاده رؤیت دعوی جائز
اولدینی ومعافیہ ذکر اولنان اعتراض عرضحالی
غیاباً لاحق اولان حکم و اعلامی دفع و جرح

محرر اولدینی وجهله میدانده اسباب اعاده اولدینی حالده درجه اولی محکمه سنجه اعاده رؤیت دعوی ایدلسی دخی یولسز و حکم استینافی موافق اصول وقانون اولدینی بیانیله اعلامک تصدیق طلبندن عبارت بولمشد.

ایجابی مذاکره اولدقدده اعلام مذکور مطالعه سندن اکلاشدینی اوزره عندالاستیناف صادر اولان اعلام غیابی علیه منوره مار یوره قادین جانندن اعطا قلنسان اعتراض علی الحکم استدعای مآله نظرآ حکم غیابی مذکور دفع وجرح ایدر علل واسباب قانونیهی محتوی اولدینی حالده عندالاستیناف مذکور عرض حالک علل واسباب غیر محتوی ایدوکنه قرار ویرلکله برابر ایشک اساسنه دخی کیریشیلرک اعلام معاد به حکمک قابل استیناف ایکن درجه اولی محکمه سنجه اعاده رؤیت دعوی اولمسنک یولسز لفته قرار رد ایدلسی اصول وقانونه مخالف اولدیفته بناء اصول محاکمه حقوقیه قانونک ایکوز قرق برنجی ماده سی موجبجه اعلام مذکورک تقضیه قانون من بورك ایکوز قرق درونجی ماده سی حکمنه توفیقاً کیفیتک یکیدن رؤیت واعلامه ربط ایدلک اوزره محکمه

مذکوره به اعاده سنه و زر یرده مفرداتی مرقم ایکوز یکرمی بر یحق غروش مصارف تمیز به نک ایلروده حقسز چیه حق طرفه رجوع ایتک اوزره اول امرده مستدعی من بوره مار بوره قادیندن النسنه ۴ ایلول سنه ۳۰۹ تاریخنده اکثریت آرا ایله قرار ویریلرک طرفین وکیلرینه تفهیم قلندی.

قلعه سلطانیه بدایت محکمه سندن ویریلان ۱۵ کانون ثانی سنه ۹۶ تاریخی اعلامک تمیزینی استدعا ایدن در سعادنده نار بولرلده مسافرة ساکن قلعه سلطانیه لی طرون زاده حسین افندی ایله میز علیها قلعه سلطانیه ده جامع کیر محله سنده مقیمه فاطمه خانم تعیین اولان کونده کلدکلرندن اصول محاکمه نک ایکوز یکرمی طقوزنجی ماده سی حکمنه توفیقاً تدقیقات تمیز به اجراسنه ابتدار قلندی.

اعلام مذکورک خلاصه مآلی من بوره فاطمه

خانمک پدری مومی الیه حسین افندی ذمتنده باسند مطلوبی بولان بیک بشیوز غروشک مع فائض تحصیلیه بیوک والده سی طرفندن کندوسنه هبه ایدیلوب امانه پدری مومی الیه یدنده بولان بر عدد الماس ایکنه ایله معلوم المقدار اینجونک دخی استردادی حقنده اقامه ایتدیکی دعوانک سبق ایدن محاکمه و تدقیقاتی نتیجه سنده افندی مومی الیهک اولمقدار دینی اولدینی اولساده کی اقراری وایکنه ایله اینجولرک دخی امانه یدنده بولندینی افندی مومی الیهک کذلک سبجل محکمه ده مقید اقرار یله ثابت اولمش ایسده من بوره هنوز یتیم اوله رق اثبات رشد ایتدیکندن مذکور ایکنه ایله اینجونک کا کان افندی مومی الیه نزدنده امانه ابقاسنه و مبلغ مذکورک دخی مع فائض تحصیلیه ایتام صندوقه اعطاسنه قرار ویرلیدندن و مستدعی حسین افندینک اشبو قرار علیه منده کی اعتراضاتک خلاصه سی حکم واقعک بر ماده نظامیه به مستند اولماسی مغایر قانون اولدیفندن بخله اعلام مذکورک نقضی ومدعی علیه انک جوانی دخی اعلام مذکور حکمی موافق اصول اولدینی جهته تصدیق طلبندن عبارت بولمشد.

ایجابی مذاکره اولدقدده اعلام مذکور مآله نظرآ خصوص مذکوره پدر ایله هنوز اثبات رشد ایتامش قزی یدنده متحدث دعوی اولمقله فصل و رؤیتی محکمه شرعیه عائد اولدیفندن اصول محاکمه حقوقیه قانونک ایکوز قرق برنجی ماده سی موجبجه اعلام مذکورک نقضه وزیرده مفرداتی مرقم اوچبوز طقسان سکر یحق غروش مصارف محاکمه نک ایلروده حقسز چیه حق طرفه رجوع ایتک اوزره اول امرده مستدعیدن النسنه ۲۷ کانون اول سنه ۳۰۵ تاریخنده متفقا قرار ویرلیدی.

بک اوغلی برنجی حقوق محکمه سندن ۲۴ ایلول سنه ۳۰۷ تاریخی وایکوز یکرمی سکر عددی ایله ویریلان اعلامک تمیزینی استدعا ایدن غلطه ده محمد علی پاشا خاندن درت نومرولی او طه ده مقیم صراف آقانا تحت برونیان افندی وکیل ویرامشابوح افندی ایله مدعی علیه بوغاز ایچنده استیاده الی اوچ نومرولی بقال دکاننده ساکن

بقال نیقوله و یرویلی یوم معینده داتره به کلدکر نندن
ایضا حات شفاهیله لریله باش مدعی عمومی
معاونلر نندن سعادتلو یورغا کی افدینک مطالعه سی
استماع قلندی .

اعلام مذکورک خلاصه مالی مرقوم نیقوله
و یرویلنک مزبور آقانا تخت برونیان افندی به
بیع و فراغ ایلدیکی ایکی باب خانه بدلندن متباقی
الاجنی بولنان یکریمی درت عدد لیرای عثمانیک
تحصیلی طلب وادعا و برقطعه سند ابراز و اعطا
ایتمس قارشو مزبور آقانا افندی وکیل حضور
متولیده فراغی اجرا اولنان عقارک تقریر
معامله سندن طولانی واقع اولان دعوانک مسموع
اوله میه جفتی مدافعه ادعا ایتش ایسه دعوی
حاضره مذکور خانه لک تقریری علیه اولوب
بدل میعدن قصور قلان و سنده ربط ایدیلرک
دین عادی حکمنه کیرمش اولان اقیچه نک تحصیلنه
متعلق اولقله مدافعه مذکورده نک ردیله اساسه
جواب اعطاسی قرار کیر اولدقدن صکره وکیل
مومی الیه جانبندن مذکور خانه لک موکله فراغی
اجرا اولدقدن صکره مدعی مرقوم مستاجر لردن
خیلی مدت ایجار المش اولدیغندن بونلرک مبلغ
مدعا بهدن محسوبی لازم کله جکفی درمیان ایتش

ایسه ده بوجهت دخی آروجه بر دعوی اولاق
حسبیه بونک حقنقه عرض حال ویرلدیکی حاله
ایجابنه باقلمق اوزره مبلغ مدعا بهک وکیل
مومی الیهک تصدیق و اقراری و مجله نک بیک
سکزیوز اون بدنجی ماده سی موجبجه تاریخ
استدعان اعتباراً ایجاب ایدن فاض نظامیه سیله
برابر مدعی علیه آقانا افدینن تحصیلنه حکمدن
و مستدعی وکیلک اشبو حکم علیه نه کی اعتراضاتک
خلاصه سی عقارات موقوفه نک حضور متولیده
معامله فراغیه سی اجرا اولدقدن صکره بدلنطولایی
اقامه ایدیلرک دعوانک استماع اولنه میه جفتی
درکار اولوب بالفرض استماعی تقدیرده دخی
بوکبی عقارات موقوفه نک تصرفی حقنقه کی
دعوالرک رؤیتی محکمه شرعیه عائد ایکن
محکمه جه خارج ازوظیفه فصل دعوا به ابتدارله
اقرار رسمی به مخالف و تاریخ فراغدن مقدم
سند استناداً موکلنک محکوم ایدلسی و موکلنک
دفعاً واقع اولان مطلوبات ادعاسنک استماع
اولتامسیله برابر وجودی اولیان اقرارندن بحثله
مجله نک بیک سکزیوز اون بدنجی ماده سنه استناد
حکم ایدلسی قانونه مغایر اولدیغندن بحثله اعلامک
نقضی و مدعی علیهک نتیجه جوابی حکم ابتدائی
موافق اصول وقانون اولوب اعتراضات مسروده

قانوناً نقض حکمی موجب اولدینی بیانیه ردی
واعلامک تصدیق طلبندن و معاون مومی الیهک
مطالعه سی دخی دعوی واقعه سنده مربوط بدل
فراغدن متولد اولوب رقبه وقفه جهت تعلقی
اولماسنه مبنی اعتراضات واقعه نک موافق قانون
اولدینی بیانندن عبارت بولمشدر .

ایجابی مذاکره اولدقدن اول امرده
مستدعی تمیز وکیلک وظیفه حقنقه کی اعتراضی
بالتدقیق معاون مومی الیهک مطالعه سی وجهله غیر
وارد کورنمکله رد ایدلد کدن صکره اساس ماده نک
تدقیقه لدی الابتدار تمیزی طلب اولنان اعلام
مذکورک نتیجه منادی مرقوم نیقوله و یرویلنک
آقانا افندی ذمتنده بیع و فراغ ایلدیکی ایکی باب
خانه بدلندن متباقی الاجنی اولدینی مبرز سند
مندرجاتی و مدعی علیه وکیلک اقراریه تحقق ایدن
یکریمی درت لیرانک مع فاض تحصیلنه حکمدن
عبارت اولمسنه نظراً حکم مذکور اسباب
موجبیه مستند و اصول وقانونه موافق اولدیغه
و مستدعی وکیلک بالاده محرر اعتراضاتی نقض
حکمی موجب اسبابدن کوریه مدیکنه بناء ردیله
اعلام مذکورک تصدیقه وزیرده مفرداتی مرقم
یوز یکریمی اوچ یقی غروش مصارف تمیزیله نک

حیده بدایت محکمه سندن ۲۴ تشرین اول
سنه ۳۰۴ تاریخی واون اوچ عددی ایل ویریلان
اعلامک تمیزی استدعا ایدن قضاء مذکورک
بدس دیواننده داریجی اوغلی عبده و طتیج اوغلی
محمد ایل مدعی علیه عوبه دیوانی اهلایسندن خطیب
اوغلی رجب تعیین اولنان کونده داتره به کلدکر نندن
اصول محاکمه حقوقیه قانونیک ایکوز یکریمی
طقوزنجی ماده سی موجبجه تدقیقات تمیزی به
اجراسنه ابتدار قلندی .

اعلام مذکورک خلاصه مالی مرقوم عبده
و محمد ایله مصطفی نام کسنه نک قیویری دیملکه
معروف تخمیناً اوچ دونم مقداری معلوم الحدود
برقطعه ترلایه تصرف ایتدکری ابراز اولنان
طایو قوچانی مندرجاتی و استماع قلنان شهودک

شهادت لری ايله تحق ايتمش اولديغنه بناء مجله نك
بيك سكر بوز اون سكرنجي ماده سي موجبجه
مرقوم رجبك منع مداخله سته دائر صادر اولان
اعلام غياني حكمنه مرقوم رجب طرفندن عدم
قباعته اعتراض على الحكم استدعاسي اعطا قلمسي
اوزرينه اجرا قلنان محاكمه وجاهيه نتيجه سنده
منازع فيه اولان اراضينك معترض رجبك اراضيسي
حدودي داخلنده اولديني مرقومان عبده و محمدك
اقرار لريه تبين ايتديكي كبي طقسان التي
سندنبرو اراضى مذكوره يي ايجار ايله ضبط
وزراعت ايدرك بدل ايجار يي دخی اخذ ايتديكي
شهودك شهادت لريه ثابت اولديغنه بناء اراضى
قانوننامه هايونك يكر منجي و مجله احكام عدليه نك
بيك سكر بوز اون يدنجي و بيك سكر بوز اون
سكرنجي ماده لري احكامنه توفيقاً حكم غيائينك
فسخيله منازع فيه ترلايه مرقومان محمد و عبد للهك
مداخله لرينك منعه حكمدن واشبو حكم عليهنده
مستدعيلرك خلاصه اعتراضاتي دعواي واقعه
عقاره متعلق اولديني حالده ذى اليدالك بالينه
اثبات ايتديرلامسي و اراضى مذكوره يي
كندولري بوز خايدن سو كوب على الاصول اشترا
ايتمش اولدق لري خصللري اعتراف ايتديكي حالده
بونك خلاصه حكم اولمسي و اراضى تصرفي

دعوالري قيود خالقاني ايله اثبات اولمقي لازم
كلور ايكن محكمه ابتدائيه جه شهو دشخصيه استماع
قلمسي مغاير قانون اولديغندن بخله اعلام مذكورك
نقضى ومدعى عليه رجب اغانك نتيجه جوابي دخی
موافق اصول و قانون اولان حكم ابتدائينك
تصديقي طلبندن عبارت بولمشدر .

ايجابي مذاكره اولندقه اعلام مذكور
مأئندن منقهم اولديني اوزره دعواي واقعه عقاره
متعلق اولمسه كوره اول امرده منازع فيه اولان
ترلايه كيمك طرفندن وضع يد اولديغتك بالينه
اثبات ايتديرلامسي قانوناً مقتضى اولديني حالده
ذى اليدالك بالينه اثبات ايتديرلامسي و بداية
مدعى بولنان مرقومان عبده و محمد اغالر مذكور
ترلاي بوز خايدن سو كوب ترلا اتخاذ ايتدكر يي
وجانب ميريدن تفرغ ايدرك تصرفلرينه دائر
طابو سندی الدق لري اثبات ايتمشلر ايكن اراضى
مذكوره نك مجرد مدعى عليهك اراضيسي داخلنده
اولديغنه بناء مدعى عليه مرقومه حكم ايدلمسي
مغاير قانون اولديغندن اصول محاكمه حقوقيه
قانوننك ايكوز اونوز ايكنجي ماده سي موجبجه
اعلام مذكورك نقضيله قانون مزبورك ايكوز
قرق دردنجي ماده سي حكمنه توفيقاً كيفيتك يكدن

بالرؤيه اعلامه ربطي ضمننده محكمه مرقومه يه
اعاده سته وزيرده مفرداتي مرقم درتيوز اونوز
بش بحق غروش مصارف تميزيه نك ايلروده حقسز
چيقه حق طرفه رجوع ايتك اوزره اول امرده
مستدعيلردن الفسنة ۱۷ ايلول سنه ۳۰۸ تاريخنده
متفقاً قرار و يرلدى .



محكمه استيناف حقوق قسمندن ۸ تموز
سنه ۳۰۲ تاريخي والتمش ايكي عددى ايله و يريلان
اعلامك تميزيني استدعا ايدن جواهر بزارستاني
كتخداسي محمد امين افندى و كيلي اديب افندى
ايله ميز عليهم مذكور بزارستان مستحفظلرندن
عر بكيلى محمد افندى و كيلي عطا افندى ايله حسنى
واسعد افنديلر و يوسف اغانك ايضاحات
شفاهيه لري استماع قلندى .

اعلام مذكورك خلاصه مالى محمد امين افندى
مذكور بزارستانك اون ايكي سهم اعتبارلى
مستحفظلق حاصلاتيله اون بش سهم اعتبارلى
مناديلك حاصلاتندن ايكيشر حصه سته برقطعه

فرمان عالي موجبجه متصرف اولديني حالده
يالكنز مناديلك حاصلاتندن ايكي حصه الوب
مستحفظلق حاصلاتندن ايكي سهى اون درت
سندنبرو مستحفظلر جانبدن غصب اولمقه
اولديغندن بخله تحصيلي طلب و ادعا و برقطعه
فرمان عالي ابراز و اعطا ايتمسي ومدعى عليهم
مرقومون دخی مدعى مومى اليه ايله اولجه شرعاً
محاكمه لري بالا جرا مومى اليه محمد امين افنديك
ادعائى واقعتك ردينه دائر اعلام شرعى صادر
اولديني بيانيله اون قطعه فرمان عالي اراءه ايتلري
اوزرينه بداية اجرا قلنان محاكمه و تدقيقاتده
مستحفظلق حاصلاتندن سائر مستحفظلر كبي
بيوك كتخدا محمد امين افندى يه بر حصه افراز
واعطاسي اقتضا ايدجكندن مستحفظلق
حاصلاتندن بر موجب فرمان اون ايكي سهم
اعتباريله ايكي سهمك سر مستحفظ ناميله قديمه
كوچك كتخدا مادوننده كي ذاته وقصور اون
سهمك دخی مدعى محمد امين افندى ايله كيروده
قلان اون مستحفظله اعطاسي لزومنه دائر صادر
اولان اعلام ابتدائينك استينافاً فسخيله اجرا
قلنان محاكمه و تدقيقات نتيجه سنده بيوك
كتخدالغه تعيين اولنان شخصك يالكنز مناديلك
حاصلاتندن حصه الوب ديكر حاصلاتندن حصه

المغه صلاحیتی اولدیغندن مومی الیه محمد امین
افدینک یوسف اغادن ماعداسی حقنده مستأنف
علیهه بیوجه معارضه دن منعه قرار ویرلدیکندن
ومستدعی وکیل ادیب افدینک اشبو حکم علیهنده
باشلوجه اعتراضاتی موکلک مستحفظلق
حاصلاتندن دخی حصه سی اولدینی فرمان عالی ایله
ثابت ایکن بوراسنه دقت اولنامسی و بزارستانک
اون ایکی منادیس واون ایکی مستحفظی اولدینی
حالده اون ایکی نفر اعتبار اولنوب بونلر میاننده
بیوک کتخدالق دخی داخل اولدینی حالده بوراسنک
نظر دقه التامسی مغایر قانون اولدیغندن بخله
اعلامک نقضی ومدعی علیهمک نتیجه جوابی دخی
دعوی واقعه اولجه شرعاً بالرؤیه محمد امین
افدینک ادعاسنک ردینه دائر اعلام شرعی صادر
اولدینی کی اعتراضات مسروده واهی و بی اساس
ایدوکی بیانیله اعلامک تصدیق طلبندن
عبارت بولنمشدر .

ایجابی لدی المذاکره اعلام مذکور مطالعه سندن
اکلاشلدینی اوزره دعوی واقعه اولجه شرعاً
رؤیت اولنوب اعلام شرعی به ربط اولدینی
جهتله بتکرار نظاماً رؤیتی غیر جائز اولدینی حالده
عندالاستیناف بوراسنه عدم دقتله حکم اولنمسی

مخالف قانون بولنش ایدوکنه بناءً اصول محاکمه
حقوقیه قانوننک ایکپوز قرق برنجی ماده سی
موجبجه اعلام مذکورک نقضه وزیرده مقرر داتی
مرقم یدییوز یتش اوچ یحق غروش مصارف
محاکمه نک ایلروده حقنر حقیقه جق طرفه رجوع
ایتمک اوزره اول امرده مستدعی محمد امین
افدینک النسخه ۲۳ تموز سنه ۳۰۴ تاریخنده متفقاً
قرار ویریلهرک تفهیم قلندی .

اعلان

اوچیوز التی سنه سی اغستوسی ابتدالرنده
اردک قضاسی اهالیسندن بویاجی اوغلی علیکسی
ریشک قانی طائفه سندن قیوطاغلی مانولک جرح
و قتلندن طولایی مظنون علیه اولان اوزون بویلی
کنیش النلی سیاه صاج وقاش و بیقلی مائی کوزلی
بیوجک برون واغزلی بغدادی بکزیلی یکریمی التی

یاشنده قیوطاغلی بالقجی پاپاس اوغلی استراپی
ولد دیمترینک فرار ایتمسندن وحقنده اجرا قلدان
تحقیقات اوزرینه هیئت اتهامیه دن جنایتله اتهامه
قرار ویرلسندن ناشی اصول محاکمات جزائییه
قانوننک اوچیوز یتش برنجی ماده سی موجبجه
معامله مقتضیه قانونیه ایفا و محاکمه علنیه غیاییه سی
اجرا قلنهرق قانون جزانک یوز یتش دردنجی
ماده سنک فقره اولیسنه توفیقاً اون بش سنه مدته
کورکه قونلمسینه و اوتوز برنجی ماده منطوقجه
حقوق مدنییه دن بالاسقاط اموالک جزینه محکمه
جنایتدن غیاباً حکم اولنش و ذکر اولان اصول
محاکمات جزائییه قانوننک اوچیوز یتش برنجی
واوچیوز یتش سکرنجی و اوچیوز سکسان برنجی
ماده لرله مواد سائر سی احکامنه توفیق معامله
ایلدیسی مرجعه بیلدیرلش اولغله اعلان کیفیتیه
ابتدار قلندی .

فی ۱۹ ربیع الاول سنه ۳۱۲

وفی ۷ ایلول سنه ۳۱۰

ادعاسیله مظنون علیه اولوب وادی فرارده بولنان
قریه مذکور اهالیسندن اوزره بویلی اسمر
بکزیلی اوزنجه بوزلی قره کوزلی سیاه قاشلی کور
سیاه بیقلی اینجه وجودلی مطروش یکریمی بش
یاشنده مصطفی بن محمدک فعل مذکور مجاسر قی
اکلاشلمش و حرکتی قانون جزانک یوز یتشنجی
ماده سی حکمی مستلزم افعال جنایتیه دن بولنش
اولدیغندن اصول محاکمات جزائییه قانوننک باب
رابعنک فصل نایسندن محرر مواد احکامنه توفیقاً
غیاباً قلمه سلطانییه بدایت جزا محکمه سنده
محاکمه سی اجرا اولنق اوزره جنایتله اتهامه
قرار ویرلدیکندن متهم مرقوم هر زده کوریلور
ایسه طوتیلوب محکمه مذکور توفیقخانه سنه
تسلیمی لازم کله جکی بالجله ضابطه عدلیه مأمور
لرینک معلومی اولق اوزره اشبو اخذ و گرفت
مذکره سی در سعادت هیئت اتهامیه سندن بالتظیم
اعطا قلندی .

فی ۷ ایلول سنه ۳۱۰

حوریه خانمک بک اوغلی $\frac{۲۱۱}{۱۵۹}$ نومروسیله
مقید اعلام موجبجه حسن افا ذمتنده محکوم به
الاجنی اولان معلوم المقدار مبالغک تأمین استیفاسی

بیفا قضاسنه تابع چلنک قریه سندن عثمان
چاوش اوغلی عثمانی بالطه ایله جرح و قتل ایتدیکی

کون صکره بالمزایده فروخته تشبث اولنه جنی
بك اوغلی اجرا مأموریتی جانبندن اعلان
اولنور .

فی ۱۷ ایلول سنه ۳۱۰

ضممنده روم ایلی حصارنده علی طور لاق محله سنده
چشمه زقاغنده اوتوز دوت نومرولی متصرف
اولدینی بر باب خانه بالمزایده ایکی بیک ایکی یوز
غروش التون بدل ایله داینه مز بوره عهده سنده
تقرر ایتیش اولدیغندن تاریخ اعلانندن اعتباراً
اوتوز بر کون ظرفنده بدل مذکور اوزرینه
یوزده بش ضمیمه طالب اولنلرک بك اوغلی اجرا
مأموریتی جانبنه مراجعت ایلملری اعلان
اولنور .

فی ۱۴ ایلول سنه ۳۱۰

مریم قادینک بك اوغلی $\frac{۳۱۱}{۱۳}$ نومروسيله مقید
اعلام موجبنجه قوقویان مغردیج افندی ذمتنده
جهت کفالتدن محکوم به الاجنی اولان معلوم
المقدار مبالغت تأمین استیفاسی ضمتنده بك اوغلنده
قر خاتون محله سنده قزلر زقاغنده اون دوت
نومرولی خانه ده متصرف اولدینی ربع حصه
شایعه سنک جزیه فروختی بك اوغلی بدایت
محکمه سی ریاست اولیسی جانبندن تحت قراره النمش
اولدیغندن تاریخ اعلانندن اعتباراً اون بش کون
صکره بالمزایده فروخته تشبث اولنه جنی
بك اوغلی اجرا مأموریتی جانبندن اعلان
اولنور .

فی ۱۹ ایلول سنه ۳۱۰

مقروهی قادینک ایکنجی $\frac{۳۱۲}{۱۵}$ نومروسيله
مقید اعلام موجبنجه افیک قادین ذمتنده محکوم به
الاجنی اولان معلوم المقدار مبالغت تأمین استیفاسی
ضمتنده داینه مز بوره عهده سنده مرهون اولان
بك اوغلنده قرلاقیچ زقاغنده یکرمی سکرز
نومرولی خانه ده متصرف اولدینی نصف حصه
شایعه سنک جزیه فروختی بك اوغلی بدایت
محکمه سی ریاست اولیسی جانبندن تحت قراره
النمش اولدیغندن تاریخ اعلانندن اعتباراً اون بش

نومرولی بر قطعه تر لایك نصف حصه سندن بر
 حصه شایعه سیله نصف دیگرندن دخی ایکی سدس
 حصه شایعه سی بیک ایکوز غروش التون اقچه
 بدل ایله طالبلری عهده سنده تقرر ایتمش اولمغه
 تاریخ اعلانندن اعتباراً اوتوز بر کون ظرفنده
 بدلات مذکوره اوزرینه یوزده بش ضمیله طالب
 اولنلرک بک اوغلی بدایت محکمه سی اجرا مأموریتی
 جانبته مراجعت ایتلمی اعلان اولنور .

فی ۱۹ ایلول سنه ۳۱۰

بر باب خراب خانه مع بغچه نك نصف حصه
 شایعه سیله اسکداره تابع بکلی یکی قریه سنده
 استوروز نام محله استوروز جاده و چارشو سنده
 واقع عتیق طقسان اوچ و جدید قرق اوچ نومرولر
 ایله مرقم بر باب اتمکچی فرونك نصف حصه
 شایعه سی بوندن اقدم مزایده یه قونیلهرق نصف
 خانه مع بغچه بش بیک و نصف فرون التي بیک
 ایکوز الی غروش بدل ایله طالبی اوزرنده تقرر
 ایتمش اولدیغندن یوزده بش ضمیله بوندن دها
 زیاده طالب اولنلرک بی سورمک و اطرافلیجه
 معلومات المی استیانتلرک اشبو تاریخ اعلانندن
 اعتباراً اوتوز بر کون ظرفنده در سعادت اعلامات
 شرعیه اجرا دائره سنه مراجعت ایلملری و ختام
 مدته تقرر ایده جک بدل ایله طالبی اوزرینه
 معامله فراغیه سی اجرا قلنه جنی دائره مذکوره دن
 اعلان اولنور .

فی ۱۹ ایلول سنه ۳۱۰

(مطبعة عامر ده طبع اولمشدر)

حاجی علی افانك حاجه فاطمة الزهرا خام
 ذمتده روم ایلی صدارت علیه سندن ویریلان
 ۱۲ جاذی الاول سنه ۳۰۳ تاریخی بر قطعه اعلام
 شرعی موجبجه الاجفی اولان مبالغ معلومه نك
 تأمین استیفاسی ضمننده مدیونه مزبوره نك
 عهده سنده اولوب مجوز و فروختی محکوم بولنان
 فاتح جوارنده قریلی مسجد محله سنده یشیل
 طلومه زقاغنده واقع درت نومرولر ایله مرقم

جَزَائِرْ حَاكِمِ

جمعه ایرتسی

نومرو	ربیع الاخر	سنه	تشرین اول	سنه	صفیحه
۷۹۱	۱۳	۱۳۱۲	۱	۱۳۱۰	۱۱۷۷۳

(اشبو غزته بهر هفته جمعه ایرتسی کونلری چیقار . سنه لکی در سعادت ایچون مجیدیه یکر می غروش)
 (حسابیله التمش غروشدر . طشرملر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکر می غروش اولوق اوزره یوز پاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانتلر عدلیه نظارتی)
 (دائره سنده کائن جریده محاکم اداره سنه مراجعت ایلملیدر)

قسمت سی

توجیهات

حلب ولایتی استیناف محکمه سی مدعی
 عمومیلکی انقره ولایتی استیناف محکمه سی جزا
 دائره سی رئیس سابق سعادتلو حسین حسنی
 افندی حضرتلرینه

معموره العزیز ولایتی استیناف محکمه سی

مدعی عمومیلکی حلب ولایتی استیناف محکمه سی
 مدعی عمومیلکی عزتلو طیب بکه

قسطنونی ولایتی استیناف محکمه سی مدعی
 عمومیلکی معموره العزیز ولایتی استیناف محکمه سی
 مدعی عمومیلکی عزتلو نوری بکه

طرابلس غرب ولایتی بدایت محکمه سی جزا
 دائره سی ریاستی محکمه مذکوره مدعی عمومی
 معاونی عبدالرحمن افندی یه

طرابلس غرب مدعی عمومی معاونلکی